





第一四三四册

四庫全書

●上海古籍出版社

本冊目次

御定佩文齋詠物詩選(三)

清張玉書
汪霏等奉敕編……一

欽定四庫全書

集部

御定佩文齋詠物詩選卷之七十六

詳校官侍郎_臣李封

主事銜_臣徐以坤履勘

總校官檢討_臣何思鈞

校對官中書_臣高中

謄錄監生_臣楊其梓

欽定四庫全書

御定佩文齋詠物詩選卷之七十六

總花類

五言古

落花

梁蕭子範

綠葉生半長繁英早自香因風亂蝴蝶未落隱鸝黃飛來入斗帳吹去上牙牀非是迎冬質寧可值秋霜

賦得岸花臨水發

陳張正見

欽定四庫全書

御定佩文齋詠物詩選卷之七十六

奇樹滿春洲落葉映江浮影間蓮花石光涵濯錦流漾色隨桃水飄香入桂舟別有仙潭菊含芳獨向秋

和王褒詠摘花

北周明帝

玉腕承花落花落枕中芳酒浮花不沒花含酒更香

詠園花

北周庾信

暫往春園傍聊過看果行枝繁類金谷花雜映河陽自紅無假染真白不須妝燕送歸菱井蜂銜上蜜房非是金爐氣何關柏殿香裊衣偏定好應持奉魏王

于闐採花

備樂府

山川雖異所草木尚同春亦如溱洧地自有採花人

浮遊花

隋辛德源

窗中斜日照池上落花浮若畏春風晚當思秉燭遊

澄上與幼遐月夜登西岡詠花

唐韋應物

置酒臨高隅佳人自城闕已翫滿川花還看滿川月花

月方浩然賞心何由歇

欽定四庫全書

御定佩文韻府詩選卷二百七十六

對雜花

韋應物

朝紅爭景新夕素含露翻妍姿如有意流芳復滿園單

棲守遠郡永日掩重門不與花爲偶終遣與誰言

賦得春晚餘花落

唐李益

畱春春竟去春去花如此蝶舞繞應稀鳥驚飛詎已衰

紅亂故萼繁綠扶凋藥自委不勝愁庭風那更起

東坡種花

唐白居易

持錢買花樹城東坡上栽但購有花者不限桃杏梅百

果參雜種千枝次第開天時有早晚地力無高低紅者

霞豔豔白者雪皚皚遊蜂逐不去好鳥亦棲來前有長

流水下有小平臺時拂臺上石一舉風前杯花枝蔭我

頭花繁落我懷獨酌復獨詠不覺月平西巴俗不愛花

竟春無人來惟此醉太守盡日不能迴

買花

白居易

帝城春欲暮喧喧車馬度共道牡丹時相隨買花去貴

賤無常價酬直看花數灼灼百朵紅萋萋五束素上張

欽定四庫全書

御定佩文韻府詩選卷二百七十六

幄幕庇旁織芭離護水灑復泥封移來色如故家家習

爲俗人人迷不悟有一田舍翁偶來買花處低頭獨長

歎此歎無人喻一叢深色花十戶中人賦

觀花有感

元虞集

挂巾花樹枝酌酒花樹下風吹巾上塵花落手中竿清

唱起相壽毋遽且聊暇流光急去人莫怪行樂者

詠井底花移贈李太常

明郭第

素綆夜不垂寒波曉含潔嬌英被銀牀歲斃弄澄澈對

月還對鏡堪賞那堪折細讀太常詩冷然堂冰雪

七言古

風雨看舟前落花戲爲新句

唐杜甫

江上人家桃樹枝春寒細雨出疎籬影遭碧水潛勾引
風妬紅花却倒吹吹花困懶傍舟楫水光風力俱相怯
赤憎輕薄遮人懷珍重分明不來接濕久飛遲半欲高
縈沙惹草細於毛蜜蜂蝴蝶生情性偷眼蜻蜓避百勞

買花謠

唐劉言史

欽定四庫全書

御定佩文韻府詩選
卷二百七十六

杜陵邨人不田穡入谷經谿復緣壁每至南山草木春
卽向侯家取金碧幽豔凝花春景曙採來攜得將何處
蝶惜芳叢送下山尋斷孤香始回去豪少居連鵲鵲東
千金使買一枝紅院多花少裁未得零落綠蛾纖指中
咸陽親戚長安里無限將金買花子澆紅濕綠千萬家
青絲玉轡聲啞啞

落花

宋孔平仲

巖南冬深花照灼比至春初花已落乘閒攜酒到西園

鳥散蜂歸春寂寥江南此際春如何紅杏海棠開正多

歸期不及春風日猶見池塘著綠荷

惜花

宋文同

遊蜂採花花氣薄黃鳥啄花花藥落林風吹花花片亂
池水浸花花色惡少年惜花花會意晴張青幃雨油幕
勸君直須爲花飲明日春歸空晚夢

飛花行贈馬衡州時馬在建康別業

元戴表元

欽定四庫全書

御定佩文韻府詩選
卷二百七十六

山上風花山下飛花飛欲盡山翁歸歸來亦自忘行跡
但覺滿地紅依依餘花更惜隨春去谿上遊人山下路
戀家漁父斷來蹤難老劉郎記前度花開花落春風前
我昔與翁同少年祇今鶴去但華表何處鳥啼悲杜鵑
遊人自遊春自暮從翁問花花不語且當向花日日醉
醉倒花前學花舞

惜花

明高啟

惜花不是愛花嬌賴得花開伴寂寥樹樹長懸鈴索護

叢叢頻引鹿盧流幾回欲折花枝笑心恐花傷復停手
每來花下每題詩不到花前不持酒准擬看花直盡春
春今未盡已愁人纔雷片芳依前砌全落千英過別隣
懊惱園中妬花女畫簷不禁狂風雨流水殘香一夜空
黃鸝魂斷無言語縱有星星在鮮衣拾來已覺損光輝
只應獨背東窗卧夢裏相隨高下飛

賣花詞

高啟

綠盆小樹枝枝好花比人家別開早陌頭擔得春風行
欽定四庫全書

師定陳文新錄物詩選
卷二百七十六

美人出簾閣叫聲移去莫愁花不活賣與運傳種花訣
餘香滿路日暮歸猶有蜂蝶相隨飛買花朱門幾回改
不如擔上花長在

雨中看花

明楊基

青青楊柳深深竹雨裏絳桃開一簇羞將瘦蹙逐金鞍
著屐看花仍不俗花枝淨洗胭脂面老眼驚如夢中見
已憐春色過三分何止東風吹一片只恐天晴是暮春
半隨流水半成塵淡煙芳草長千路作意能來有幾人

邀方員外看花

楊基

金昌亭西萬株花胭脂玉雪爭紛拏春風攜酒看花去
騎馬徑到山人家花深樹密無徑入下馬徘徊映花立
紫芳風微翠袖香紅絲露重烏巾濕別來幾負看花期
客裏忽忽見一枝白下橋邊寒食後廣陵城外綠陰時
今年花最逢春早准擬清樽對花倒人意方邀酒伴來
花枝已向東風老花雖新老仍堪折猶勝紛紛滿蹊雪
且共芙蓉幕裏人坐看海棠枝上月

欽定四庫全書

師定陳文新錄物詩選
卷二百七十六

賣花篇

明黃德水

日南氣候天下奇四序皆如三月時邠風謾賦爲裘什
越俗空傳采葛詩泉甘土沃山川美長日花開爛於綺
不論秋去有蘭蓀寧獨春來盛桃李初景暉曉萬戶開
雙童駉驛賣花來一筐新藥朝纔摘數種奇葩歲自裁
曲房小閣開妝匣紫貝青蛛走輕屨若箇簾前飛隋英
誰家門外無殘葉參珠間玉闌光輝踏青拾翠弄芳菲
花房刺有瑤臺露滴盡儂家金縷衣

五言律

和楊舍人詠中書省花樹

唐 張文琮

華萼映芳叢，參差間早紅。
因風時落砌，雜雨乍浮空。
影照鳳池水，香飄雞樹風。
豈不愛攀折，希君懷袖中。

花底

唐 杜甫

紫萼扶千藥，黃鸝照萬花。
忽疑行暮雨，何事入朝霞。
恐是潘安縣，堪畱衛玠車。
深知好顏色，莫作委泥沙。

南池落花

唐 羊士諤

欽定四庫全書

御定佩文韻府詩選
卷二百七十六

蟬噪城溝水，芙蓉忽已繁。
紅花迷越監，芳意過湘漣。
湛露宜清暑，披香正滿軒。
朝朝祇自賞，穠李亦何言。

惜落花

唐 白居易

夜來風雨急，無復舊花林。
枝上三分落，園中二寸深。
日斜啼鳥思春盡，老人心
莫怪添杯飲，情多酒不禁。

賦得雨後花

唐 元稹

紅芳憐靜色，深與雨相宜。
餘滴下纖蕖，殘珠墜細枝。
浣花江上思啼粉，鏡中窺
念此低徊久，風光幸一吹。

贈子直花下

唐 李商隱

池光忽隱牆，花氣亂侵房。
屏綠蝶鵲粉，窗油蜂印黃。
官書推小吏，侍史從清郎。
並馬更吟去，尋思有底忙。

晚春花

唐 項斯

陰洞日光薄，花開不及時。
當春無半樹，經晚足空枝。
疎與香風會，細將衆影移。
此中人到少，開盡幾人知。

題友人山花

唐 方干

平明方盡折，為得好風吹。
不見移來日，先愁落去時。
濃

欽定四庫全書

御定佩文韻府詩選
卷二百七十六

九

香薰薔葉繁，朶壓卑枝來。
看皆終夕遊，蜂似有期

落花

唐 李咸用

拾得移時看，重思造化功。
如何飄麗景，不似遇春風。
滿地餘香在，繁枝一夜空。
祇應公子見，先憶墜樓紅。

賦得花影

明 王偁

欲拂更紛紛，空香寂不聞。
亂迷芳蝶夢，輕護錦苔紋。
觀月籠書幌，因風颺舞裙。
莫移庭下步，蹴碎一階雲。

花殘

明 蔣山卿

寂寂門空閉
菲菲花欲殘
賞心不相見
對酒若爲歡
小徑芳煙靄
疎簾細雨寒
一年春又謝
惆悵思無端

延季居士種花詩

明王醇

誰能了空意
因示數枝春色
但隨根現花
聊遇眼新護
香裁刺徧界
綠委泉勻豈
必來遊者
方爲借散人

五言排律

夏日裴尹員外西齋看花

唐楊巨源

笑向東來客
看花枉在前
始知清夏月
更勝豔陽天
露

欽定四庫全書

御定廣文館詩歸

卷二百七十六

十一

濕呈妝汗風
吹畏火燃蔥
龍和葉盛爛
熳壓枝鮮紅
彩當鈴閣清
香到玉筵蝶
棲驚曙色鶯
語滯晴煙得
地珠堪賞過
時倍覺妍芳
非遲最好惟
是謝家憐

花邨六韻

唐吳融

地勝非離郭
花深故號邨
已憐梁雪重
仍愧楚雲繁
山近當吟冷
泉高入夢宣
依稀小有洞
邂逅武陵源
月好頻依座
風輕莫閉門
流鶯更多思
百轉待黃昏

賦落花以宋元憲金谷樓危到地香得香字

明劉永直

英華本天性
開謝任年光
自是春風改
那因夜雨傷
低徊飄綺席
荏苒度雕牆
翠霧當窗合
紅雲匝地香
點泥登燕壘
添蜜入蜂房
剪絲誇西苑
成妝詫壽陽
角衣翻塞曲
徑遠誤漁郎
但使靈根在
重看錦樹芳

六言律

落花

唐李中

殘紅引動詩
魔懷古牽情
奈何半落銅
臺月晚亂飄
金

欽定四庫全書

御定廣文館詩歸

卷二百七十六

十一

谷風多悠悠
旋逐流水片
片輕粘短莎
誰見長門深
鎖黃昏細雨
相和

七言律

山花

唐錢起

山花照塢復
燒谿樹樹枝
枝盡可迷野
客未來枝畔
立流鶯已向
樹邊啼從容
只是愁風起
春戀常須向
日西別有妖
妍勝桃李攀
來折去亦成
蹊

西省對花憶忠州東坡新花樹因寄題東樓

唐白居易

每看闕下丹青樹不忘天邊錦繡林西掖垣中今日眼
南賓樓上去年心花含春意無分別物感人情有淺深
最憶東坡紅爛熳野桃山杏水林檎

闕間城北有賣花翁討春之士往往造焉因招

裴美

唐陸龜蒙

故城邊有賣花翁水曲舟輕去盡通十畝芳菲爲舊業
一家煙雨是元功閒添藥品年年別笑指生涯樹樹紅

欽定四庫全書

御定風入彀詩選
卷二百七十六

十二

若要見春歸處所不過攜手問東風

魯望以花翁之什見招因次韻酬之

唐皮日休

九十攜鋤僂僂翁小園幽事盡能通
斲烟栽藥爲身計負水澆花是世功
婚嫁定期杉葉紫蠶藏應待桂枝紅
不知家道能多少只在勾芒一夜風

對花

唐秦韜玉

長與韶光暗有期可憐蜂蝶却先知
誰家促席臨低樹

何處橫釵戴小枝麗日多情疑曲照和風得路合偏吹

向人難道渾無語笑勸王孫到醉時

惜花

唐李建勳

淡淡西園日又垂一樽何忍負芳枝
莫言風雨長相促直是晴明得幾時
心破只愁鶯踐落眼穿唯怕客來遲
年年使我成狂叟腸斷紅箋幾首詩

玉堂栽花周正孺有詩次其韻

宋蘇軾

欽定四庫全書

御定風入彀詩選
卷二百七十六

十三

故山桃李半荒榛粗報君恩便乞身
竹簟暑風招我老玉堂花藥爲誰春
纖纖翠蔓詩催發皎皎霜葩鬢鬪新
只有來禽青李帖他年畱與學書人

看花

宋曾鞏

春來日日探花開紫陌看花始此回
欲賦妍華無健筆擬酬芳景怕深杯
但知抖擻紅塵去莫問鬢髻白頭催
更老風情轉應少且邀佳客試徘徊

落花

元郝經

彩雲紅雨暗長門翡翠枝餘夢綠痕桃李東風蝴蝶夢
關山明月杜鵑魂玉闌煙冷空千樹金谷香銷謾一尊
狼藉滿庭君莫掃且留春色到黃昏

花信

元黃潛

已覺尋芳去較遲千林紅紫總紛披幾經夜雨能無恙
試問春風竟不知斜日遊蜂應有夢野亭立馬已多時
殷勤却是江南客曾擘冰霜寄一枝

賣花聲

元謝宗可

欽定四庫全書

御定佩文齋詩話
卷二百七十六

十四

春光叫徧費千金紫韻紅腔細細吟幾處又驚遊冶夢
誰家不動惜芳心暗穿紅霧樓臺曉清逐香風巷陌深
妝鏡美人聽未了繡簾低揭畫簷陰

春半採花

元洪希文

芳菲著雨便成苔問訊東君幾日回閨月不曾花下去
今朝偶到樹邊來幾何間闊鶯偏老如此生疎蝶也猜
流水時光容易過舉頭枝上已青梅

落花詩

明沈周

飄飄蕩蕩復悠悠樹底追尋到樹頭趙武泥塗知辱雨
秦宮脂粉惜隨流癡情戀酒粘紅袖急意穿簾泊玉鈎
欲拾殘芳擣為藥傷春難療箇中愁

其二

夕陽無賴小橋西春事闌珊意亦迷錦里門前谿好浣
黃陵廟裏鳥還啼焚追蝶甲教香史煎帶牛酥鬻膳嫠
萬寶千鈿具可惜歸來直欲滿筐攜

花魂

明朱之蕃

欽定四庫全書

御定佩文齋詩話
卷二百七十六

十五

交枝低亞藥紛披舞影飄香化日遲紅顏曉酣微困酒
粉痕宵褪苦搜詩追從蜂蝶應難定倦聽笙歌有所思
尋偏天涯芳草路三生石上月明時

落花

朱之蕃

春宵花月照春江瀉影流香繞客牕廣野芳魂招不得
一天愁緒總難降啄餘燕嘴歸高棟粘向蜂鬚入小窗
燈下簾垂寂無語似隨紅燼墜銀缸

其二

催花遣使憶新銜入報春歸燕語喃園月和煙霏曲徑

江風帶雨灑孤帆亂飄不羨吳姬舞遠寄無勞驛使緘

藉坐錦茵新釀熟待嘗櫻笋試羅衫

種花

明 李流芳

為園數畝未言賒鑿沼疏泉手灌花花欲疎疎仍密密
枝須整整復斜斜漸看節序皆芳候不放風光到別家
最愛南榮冬日暖蠟梅一樹映山茶

五言絕句

欽定四庫全書

御定風入齋集詩選
卷二百七十六

贈李十四

唐 王勃

小徑偏宜草空庭不厭花平生詩興酒自得會仙家

其二

亂竹開三徑飛花滿四隣從來揚子宅別有尚玄人

林塘懷友

王勃

芳屏畫春草仙杼織朝霞何如山水路對面即飛花

題鑒上人房

唐 宋之問

落花傾樹積芳草一庭春翫之堪興盡何必見幽人

喜入長安

唐 崔湜

雲物能催曉風光不惜年賴逢征路盡歸在落花前

玉真公主山居

唐 儲光羲

山北天泉苑山西鳳女家不言沁園好獨隱武陵花

江南曲

儲光羲

日暮長江裏相邀歸渡頭落花如有意來去逐船流

河上逢落花

唐 萬楚

河水浮落花花流東不息應見浣紗人為道長相憶

欽定四庫全書

御定風入齋集詩選
卷二百七十六

送于堦往揚州

唐 劉長卿

半邏鶯滿樹新年人獨還落花逐流水共到茱萸灣

代人乞花

唐 李益

繡戶朝眠起開簾滿地花春風解人意吹落妾西家

花島

唐 韓愈

蜂蝶去紛紛香風隔岸聞欲知花島處水上覓紅雲

花源

韓愈

源上花初發公應日日來丁寧紅與紫慎勿一時開

惜花

唐 張籍

山中春已晚處處見花稀明日來應盡林間宿不歸

酬范侍御

唐 鮑溶

玉管傾杯樂春園鬪草情野花無限意處處逐人行

其二

相勸醉年華莫醒春日斜春風宛陵道萬里昔陽花

惜花

唐 施肩吾

落盡萬株紅無人解繫風今朝芳徑裏惆悵錦機空

欽定四庫全書

御定廣文彙珍物詩選
卷二百七十六

十八

高花

唐 李商隱

花將人共笑蘿外露繁枝宋玉臨江宅牆低不礙窺

雜題

唐 司空圖

孤枕聞鶯起幽懷獨悄然地融春力潤花泛曉光鮮

賞殘花

唐 紀干著

零落多依草芳香散著人低簷一枝在猶占滿堂春

月夜汎舟

唐 僧法振

西塞長雲盡南湖片月斜汎舟人不見卧入武陵花

雙池

宋 蘇軾

沂流入城郭疊疊渡千家不見雙池水長漂十里花

花鴉

宋 文同

繚繞穿紅萼欄斑踏紫苔誰將錦步障端為使君開

花

明 張羽

能白更兼黃無人亦自芳寸心原不大容得許多香

落花

明 薛蕙

今朝捲簾坐時見一花飛不惜芳菲盡春風稍稍稀

欽定四庫全書

御定廣文彙珍物詩選
卷二百七十六

十九

六言絕句

山居樂

明 李言恭

一徑香無車馬萬山忽有人家相問不知歲月惟見開

花落花

七言絕句

惜花

唐 郭震

豔拂衣襟藥拂杯遙枝間共蝶徘徊春風滿目還惆悵

半欲離披半未開

宴春源

唐 王昌齡

源向春城花幾重江明深翠引諸峯與君醉失松谿路

山館寥寥傳暝鐘

西廵歌

唐 李白

水綠天青不起塵風光和暖勝三秦萬國煙花隨玉輦

西來添作錦江春

江畔獨步尋花

唐 杜甫

江深竹靜兩三家多事紅花映白花報答春光知有處

欽定四庫全書

御定佩文韻府詩選
卷二百七十六

二十

應須美酒送生涯

送王卿

唐 韋應物

別酌春林啼鳥稀雙旌背日晚風吹却憶回來花已盡

東郊立馬望城池

贈張千牛

唐 韓翃

蓬萊闕下是天上苑新回白鼻駒急管豈催平樂酒

春衣夜宿杜陵花

河中府崇福寺看花

唐 盧綸

聞道山花如火紅平明登市已經風老僧無見亦無說
應與看人心不同

殘花

唐 楊凝

五馬踟躕在路岐南來只爲看花枝鶯銜蝶弄紅芳盡
此日深閨那得知

和陳閣老當直從東省過史館看花

唐 權德輿

晝漏沈沈倦瑣闌西垣東觀閑芳菲繁花滿地似畱客

欽定四庫全書

御定佩文韻府詩選
卷二百七十六

二十一

應爲主人休澣歸

同諸公夜宴監軍翫花之作 唐 武元衡

五侯門館百花繁紅燭搖風白雪翻不似鳳凰池畔見

飄揚今隔上林園

看花

唐 羊士諤

一到花間一忘歸玉杯瑤瑟減光輝歌筵更覆青油幕
忽似朝雲瑞雪飛

送廖參謀東遊

唐 劉禹錫

九陌逢君又別離行雲別鶴本無期望高樓上忽相見
看過花開花落時

詔追赴都

唐柳宗元

十一年前南渡客四千里外北歸人詔書許逐陽和至
驛路開花處處新

落花

唐韓愈

已分將身著地飛那差踐踏損光輝無端又被春風誤
吹落西家不得歸

欽定四庫全書

御定四庫全書
唐詩卷一百七十六

三

風折花枝

韓愈

浮豔侵天難就看清香撲地只遙聞春風也是多情思
故揀繁枝折贈君

遊太平公主山莊

韓愈

公主當年欲占春故將臺榭壓城闌欲知前面花多少
直到南山不屬人

登科後

唐孟郊

昔日齷齪不足誇今朝放蕩思無涯春風得意馬蹄疾

一日看遍長安花

九華觀看花

唐張籍

街西無數閒遊處不似九華仙觀中花裏可憐池上景
幾重牆壁貯春風

山中主人

唐楊巨源

十里青山有一家翠屏深處又添霞若為說得谿中事
錦石和煙四面花

春晚遊鶴林寺

唐李涉

欽定四庫全書

御定四庫全書
唐詩卷一百七十六

三

野寺尋花春已遲青巖唯有兩三枝明朝攜酒猶堪賞
為報春風且莫吹

衡州夜後把火看花畱客絕句

唐呂溫

紅芳暗落碧池頭把火遙看且少畱半夜忽然風更起
明朝不復上南樓

伏翼西洞送人

唐陳羽

洞裏春晴花正開看花出洞幾時回殷勤好去武陵客

莫引世人相逐來

宮詞

唐王建

五更三點索金車
盡放宮人出看花
仗下一邊催立馬
殿頭先報內園家

于主簿廳看花

王建

小葉稠枝粉壓堆
暖風吹動鶴翎開
若無別事為留滯
應便拋家宿看來

看花屋

唐白居易

欽定四庫全書

御定佩文韻府詩選
卷二百七十六

三五

忽驚暎樹新開屋
却似當簷故種花
可惜年年紅似火
今春始得屬元家

惜落花贈崔二十四

白居易

漠漠紛紛不奈何
狂風急雨兩相和
晚來悵望君知否
枝上稀疏地上多

別種東坡花樹

白居易

花林好住莫顛顛
春至但知依舊春
樓上明年新太守
不妨還是愛花人

僧院花

白居易

欲悟色空為佛事
故栽芳樹在僧家
細看便是華嚴偈
方便風開智慧花

花栽

唐元稹

買得山花一兩栽
離鄉別土易摧頽
欲知北客居南意
看取南花北地來

宮詞

唐王涯

春風擺蕩禁花枝
寒食鞦韆滿地時
又落深宮石渠裏
盡隨流水入龍池

欽定四庫全書

御定佩文韻府詩選
卷二百七十六

三五

題郵亭殘花

唐張祜

雲暗山橫日欲斜
斜郵亭下馬對殘花
自從身逐征西府
每到花時不在家

同友人看花

唐朱慶餘

尋花不問春深淺
縱是殘紅也入詩
每箇樹邊行一市
誰家園裏最多時

春日餐霞閣

唐施肩吾